

Instigas kuba prezidento al kolektiva klopodo kontra? Kovim-19



foto: Estudios Revolución

Havano, a?g 10 (RHK) La prezidento de Kubo, Miguel Díaz-Canel, ur?is kolektivan penadon por alfronti la altan efikon de Kovim-19 en la lando.

Per sia Tviter-konto, la prezidento memorigis, ke "estas sanaj personoj laborantaj 24 horojn tage, kaj plentempaj registaraj strukturoj en batalo."

"Nur kun ĉies peno, ni venkos", ripetis la kuba ĉtatestro en mesaĉo akompanata de la etikedo #ACubaPonleCorazón.

Díaz-Canel antaŭe montris, ke ĉi tiu semajno estas decida por inversigi la kompleksan epidemiologian situacion en la kariba nacio.

Laŭ la Ministerio pri Publika Sano (Minsap), la averaĝa rapideco de ĉiutagaj infektoj estas 9 125, kaj en la sama periodo, sed pasintmonate ĉi estis 6 464.

Pro tio la kubaj prisaj aŭtoritatoj antaŭvidas epidemiologie kompleksan monaton aŭgusto, kvankam la imuniga procezo en la kariba lando daŭras bonrapide.

Preskaŭ 11 milionoj da dozoj de la vakcin-kandidato Soberana 02 kaj la vakcino Abdala estis administritaj sur la insulo per sanaj intervenaj mekanismoj, intervenaj studoj kaj klinikaj provoj.

Fonto: PL

<https://www.radiohc.cu/eo/noticias/nacionales/266610-instigas-kuba-prezidento-al-kolektiva-klopodo-kontrau-kovim-19>



Radio Habana Cuba